

Broj: 02-14-5-602-16/18  
Sarajevo, 14.12.2018. godine

Na osnovu člana 72. stav (3) Zakona o javnim nabavkama („Službeni glasnik BiH“, broj: 39/14), a na prijedlog Komisije za javne nabavke imenovane Rješenjem, broj: 02-14-5-602-1/18 od 30.03.2018. godine, federalni ministar raseljenih osoba i izbjeglica, d o n o s i

**O D L U K U**  
**O DODJELI UGOVORA DRUGORANGIRANOM PONUĐAČU ZA JAVNU**  
**NABAVKU ROBA – KOMPJUTERSKA OPREMA ZA POTREBE FEDERALNOG**  
**MINISTARSTVA RASELJENIH OSOBA I IZBJEGLICA**

**I**

U postupku javne nabavke: Konkurentski zahtjev za dostavu ponuda za nabavku roba – kompjuterska oprema za potrebe Federalnog ministarstva raseljenih osoba i izbjeglica, ugovor o javnoj nabavci roba dodjeljuje se drugorangiranom ponuđaču **EMADO d.o.o. Sarajevo**, sa ukupnom cijenom ponude bez PDV-a u iznosu od 10.800,00 KM.

**II**

Ponuda ponuđača iz tačke I ove odluke ocijenjena je prihvatljivom, jer ispunjava sve uvjete postavljene tenderskom dokumentacijom.

**III**

Za realizaciju ove odluke zadužuju se Sektor za pravne, finansijske i opće poslove ovog Ministarstva

**IV**

Ova odluka objaviti će se na web stranici Federalnog ministarstva raseljenih osoba i izbjeglica, u skladu sa članom 70. stav (6) Zakona o javnim nabavkama, istovremeno s upućivanjem iste svim ponuđačima koji su učestvovali u predmetnom postupku javne nabavke.

**V**

Odluka stupa na snagu danom donošenja, a Odluka o izboru najpovoljnijeg ponuđača za javnu nabavku roba – kompjuterska oprema za potrebe Federalnog ministarstva raseljenih osoba i izbjeglica, broj: 02-14-5-602-13/18 od 03.12.2018. godine, stavlja se van snage i prestaje da važi.



## Obrazloženje

Postupak nabavke pokrenut je Odlukom o pokretanju postupka javne nabavke, broj: 02-14-5-602/18 od 28.03.2018. godine. Javna nabavka provedena je putem Konkurentskog zahtjeva za dostavu ponuda. Ukupna procijenjena vrijednost nabavke iznosila je 11.000,00 KM bez PDV-a. Obavijest o nabavci broj: 668-7-1-68-3-74/18 poslana je na objavu 18.10.2018. godine, te je istog dana objavljena na portalu Javnih nabavki.

Tendersku dokumentaciju preuzeo je 31 (tridesetjedan) privredni subjekt, a 6 (šest) ponuđača dostavilo je ponude u predmetnom postupku nabavke. Sve ponude su blagovremeno pristigle. U skladu sa provedenim predmetnim postupkom javne nabavke, ponude su dostavili sljedeći ponuđači: Infocomp d.o.o. Bijeljina, Godimerc d.o.o. Sarajevo, Fixit d.o.o. Sarajevo, Elur d.o.o. Kiseljak, Emado d.o.o. Sarajevo i Aspo Rail d.o.o. Sarajevo.

Komisija za javne nabavke, imenovana Rješenjem, broj: 02-14-5-602-1/18 od 30.03.2018. godine, izvršila je pregled i ocjenu ponuda, te konstatovala da je, od ukupno 6 (šest) dostavljenih ponuda, prihvatljivo 4 (četiri) i to ponude ponuđača: Godimerc d.o.o. Sarajevo, Fixit d.o.o. Sarajevo, Elur d.o.o. Kiseljak, i Emado d.o.o. Sarajevo, dok su ponude ponuđača: Infocomp d.o.o. Bijeljina i Aspo Rail d.o.o. Sarajevo ocijenjene kao neprihvatljive.

Ponuda ponuđača INFOCOMP d.o.o. Bijeljina, ID broj: 4403852400007, odbačena je iz sljedećeg razloga:

Ponuđač nije dostavio potpun Aktuelni izvod iz sudskog registra (nedostaje treća strana istog iz kojeg je vidljivo ovlašteno lice). U dostavljenoj tehničkoj dokumentaciji, redni broj 1. Računar, stavka Operativni sistem, ponuđač nije ponudio WINDOWS 10PRO OEM, kako je traženo u Aneksu 3 - Obrazac za cijenu ponude – robe tenderske dokumentacije. Također, u istom Aneksu, redni broj 3. Računar, stavka Procesor, Ugovorni organ je tražio 3,6 GHz, a ponuđač je ponudio 3,2 GHz, što nije u skladu sa traženim karakteristikama robe. Zbog naprijed navedenih razloga, komisija je ponudu ponuđača INFOCOMP d.o.o. Bijeljina odbacila kao neprihvatljivu.

Ponuda ponuđača ASPO RAIL d.o.o. Sarajevo, ID broj: 4202124540000, također je odbačena kao neprihvatljiva, jer tehnička dokumentacija ne odgovara tehničkoj specifikaciji iz Aneksa 3 - Obrazac za cijenu ponude - robe tenderske dokumentacije. U tabelarnom prikazu, redni broj 5. Laptop, stavka RAM memorija traženo je da ponuđena roba ima min 2X4GB, sa mogućnošću proširenja, a ponuđač je ponudio RAM memoriju od ukupno 4GB, što nije u skladu sa potrebama Ugovornog organa.

Komisija je nakon izvršenog pregleda i ocjene ponuda dostavila federalnom ministru raseljenih osoba i izbjeglica Zapisnik o pregledu i ocjeni ponuda, broj: 02-14-5-602-12/18 od 28.11.2018. godine zajedno sa preporukom o izboru najpovoljnijeg ponuđača ELUR d.o.o. Kiseljak, sa registriranim sjedištem u ul. Žrtava domovinskog rata 2, Kiseljak, ID broj: 4236010950005.

U postupku donošenja Odluke o izboru najpovoljnijeg ponuđača za javnu nabavku roba – kompjuterska oprema za potrebe Federalnog ministarstva raseljenih osoba i izbjeglica, broj: 02-14-5-602-13/18 od 03.12.2018. godine (u daljem tekstu: Odluka o izboru), posebno su cijanjene činjenice, da je Komisija pravilno i potpuno, izvršila ocjenu kvalificiranosti ponuđača, kao i ocjenu prispjelih ponuda, shodno kriterijima iz Tenderske dokumentacije, te da je izbor izvršen u skladu sa Zakonom o javnim nabavkama („Službeni glasnik BiH“, broj: 39/14), podzakonskim aktima i Tenderskom dokumentacijom.

U skladu sa članom 45. stav (2) Zakona i tačkom 3.1. Tenderske dokumentacije, broj: 02-14-5-602-3/18 od 18.10.2018. godine, izabrani ponuđač ELUR d.o.o. Kiseljak bio je dužan, da u roku od 3 (tri) dana od dana dostavljanja



Odluke o izboru, dostavi originale ili ovjerene kopije dokumentacije iz člana 45. stav (2) tačke od a) do d) Zakona.

Ponuđač ELUR d.o.o. Kiseljak nije u ostavljenom roku dostavio potrebnu dokumentaciju, te je Komisija nakon isteka roka za izjavljivanje žalbe na Odluku o izboru, u skladu sa članom 72. stav (3) tačka a) Zakona, dala preporuku rukovodiocu Ugovornog organa da se ugovor o javnoj nabavci, dodjeli sljedećem ponuđaču sa konačne rang liste ponuđača koji su učestvovali u e-Aukciji.

Uzimajući u obzir naprijed navedeno, odlučeno je kao u dispozitivu ove odluke.

**POUKA O PRAVNOM LIJEKU:**

Protiv ove odluke, svaki ponuđač koji je učestvovao u postupku nabavke može izjaviti žalbu Uredu za razmatranje žalbi Bosne i Hercegovine putem Ugovornog organa – Federalno ministarstvo raseljenih osoba i izbjeglica, u pisanoj formi direktno, elektronskim putem ili preporučenom poštanskom pošiljkom, u roku od 5 (pet) dana od dana prijema ove odluke.



**MINISTAR**

**dr. sci. Edin Ramić**

Dostaviti:

1. Svim ponuđačima u postupku
2. Komisiji za javne nabavke
3. Sektor za pravne, finansijske i opće poslove
4. a/a